



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CCCCXXII. Kurfürst Albrecht verleiht dem Hans Hecht das Thorwärter -
Amt beim Schlosse Salzwedel, am 5. Januar 1472.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

CCCCXXII. Kurfürst Albrecht verleiht dem Hans Hecht das Thorwärter-Ampt beim Schlosse
Saltzwedel, am 5. Januar 1472.

Wir Albrecht, von gottes gnaden Marggraue zu Brandenburg, des heiligen Römischen Reichs Erczkamerer vnd Curfurte, zu Stetin, pomern, der Cassuben vnd wenden herczoge, Burggraue zu Nurmberg vnd furst zu Rugen etc., Bekennen etc., das wir vnserm lieben getrewen Hans Heckte, Heinrichs Hechtes Sone, Recht vnd redlichem gelihen haben vnser Thorwerter Ampt, vor vnserm schlosse saltzwedel gelegen, mit allen vnd yglichen seinen zugehorungen, also das Hans vnd Heinrich Bauczke vnd darnach Cunrat Steinkamer vormals von vns zu lehen gehabt, besessen vnd genossen haben, van dem gnanten Cunrat Steinkamer Heinrich Hechte, Seliger dechnuß, des gnanten Hanfen Hechtes uatter, das sulve Ampt gekaufft hat, vnd wir leyhen dem gnanten Hanfen Hechten vnd seinen menlichen leybs lebens erben das gnante vnser thorwerter Ampte, vor vnserm schlosse saltzwedel gelegen, mit allen gnaden, freyheidten vnd gerechtigkeiten In allen Massen, so das Hans vnd Heinrich Bautzke vormals von vns zu lehen gehabt, zu Rechtem Manlehen In craft vnd macht diles briefs etc. — Zu vrkund mit vnserm anhangenden Infigel versigelt, Am Sontag nach dem Heyligen newen Jars tag, Anno etc. LXXII^{ten}.

Nach dem Schurmärk. Lehnscopialbuche XXVI, 109.

CCCCXXIII. Notizen über verschiedene Belehnungen bürgerlicher Vasallen in der Stadt
Saltzwedel, vom 5. Januar 1472 u. f.

Bertolt Thuritz, burger zu Saltzwedel, hat Ime vnd seinen menlichenn leibs lebens erbenn zu rechtem manlehenn empfangenn: Item achtzehn Scheppel rockenn Im dorff zu luge, Item In dem houe, da nun vf sitzet Jacob ludicken, 1 wispel rocken, Item In dem houe, da nunn vf sitzet Arndt Steffann, 1 viertel rockens. Actum Coln an der Sprew, am Sontag nach Circumcisionis dni., Anno etc. LXXII^{ten}. Dedit XLV gr. lehenwar, habet litteram et est recognita.

Hanns, Heinrichs Hechtes Sunn, hat Ime vnd seinenn menlichenn leibs lebens erbenn empfangenn Item das frey Thorwartenn wonhaus mit dem thorwartern ampt, das zu Saltzwedel vor der burg ligt, das achtet er vf II^e. gulden wert. Actum am Sontag nach dem heiligenn Newenn Jarstag Anno etc. LXXII^{ten}. Dedit XVIII gulden. Habet litteram et est recognita.

Dietrich vnd hanns, gebruder, die Gartz, habenn zu gesampter hand empfangenn (wo sie aber vor nit besambt gewesenn wern, so sollenn sie nit besambt sein) Item VI wispel rocken Im dorff ritze, XX scheffel haberns, XXX schilling zu X den. Awestden. vnd XX schilling, den. die holtzpennig, XVII schilling zins, den clein zehenden, die dinst auf XV huben, das hochst vnd nyderst gericht. Auch Im dorff buck XXIII schilling brandburgische schilling vnd den clein zehenden uber dasselb dorff. Item die zehenden ertragenn I schock. Summa X schock vnd sindt nichtz darvon geregiftrirt.

Hauptth. I. Bd. XIV.